

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

ДОМ НАРОДА
ПРЕДСТАВНИЧКИ ДОМ

DOM NARODA
PREDSTAVNIČKI DOM / ZASTUPNIČKI DOM

Савјет националних мањина БиХ

Vijeće nacionalnih manjina BiH

Broj: 05/7-39-1-158-5/23

Sarajevo, 29. 3. 2023.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
S A R. 11.05.2023

PRIMLJENO:			
Organizaciona jedinica	Klasifikaciona oznaka	Redni broj	Broj priloga

ZAPISNIK

5. sjednice Vijeća nacionalnih manjina BiH, održane 28. 3. 2023.

Sjednica Vijeća nacionalnih manjina BiH počela je u 17 sati.

Sjednici su prisustvovali: Zamire Sokoli-Begović, Davor Ebner, Skender Mustagrudić, Željko Vaško, Franjo Rover, Ernest Grin, Saša Mićin, Todorka Jovanović, Velibor Kuvač, Dejan Piotrovski, Mujo Fafulić, Violeta Džolan, Igor Kotjelnikov, Mihal Hemun, Danijel Štefek, Dragica Tešić, Hakan Varan i Miroslav Bobrek. Opravdano odsutan bio je Željko Vaško.

Sjednici je, također, prisustvovala Aida Kreho, sekretarka Zajedničke komisije za ljudska prava.

Za sjednicu je predložen sljedeći

DNEVNI RED

1. Razmatranje Prijedloga zapisnika 4. sjednice Vijeća nacionalnih manjina BiH;
2. Razmatranje službene zabilješke sa sastanka predstavnika Vijeća nacionalnih manjina BiH sa zamjenicom ministrice civilnih poslova BiH;
3. Razmatranje službene zabilješke sa sastanka predstavnika Vijeća nacionalnih manjina BiH s ministrom za ljudska prava i izbjeglice BiH;
4. Upoznavanje s pozivom na radni sastanak o temi: „Jačanje uloge savjetodavnih tijela nacionalnih manjina“ i određivanje predstavnika Vijeća nacionalnih manjina BiH;

5. Tekuća pitanja.

Dnevni red jednoglasno je usvojen.

Ad. 1. Razmatranje Prijedloga zapisnika 4. sjednice Vijeća nacionalnih manjina BiH

Nakon uvodnih riječi, te s obzirom na to da nije bilo rasprave, Zapisnik je jednoglasno usvojen.

Ad. 2. Razmatranje službene zabilješke sa sastanka predstavnika Vijeća nacionalnih manjina BiH sa zamjenicom ministricе civilnih poslova BiH

Nakon što su članovi Vijeća nacionalnih manjina BiH koji su prisustvovali sastanku, Mujo Fafulić i Violeta Džolan, članovima Vijeća prenijeli sadržaj, odnosno teme sastanka i informacije koje su dobili na sastanku sa zamjenicom ministricе Marijanom Mojić, održanom 14. marta 2023. godine, uslijedila je rasprava. U raspravi su učestvovali: Saša Mićin, Dragica Tešić, Mujo Fafulić i Violeta Džolan, te su se pitanja i komentari članova odnosili na mogućnost uspostave posebnog granta za udruženja nacionalnih manjina, odnosno mogućnosti izdvajanja dijela sredstava iz već postojećih grantova za udruženja nacionalnih manjina, kao i mogućnosti da se tako nešto uradi već tokom ove godine.

Nakon rasprave, službena zabilješka je jednoglasno primljena k znanju.

Ad. 3. Razmatranje službene zabilješke sa sastanka predstavnika Vijeća nacionalnih manjina BiH s ministrom za ljudska prava i izbjeglice BiH

Nakon što su članovi Vijeća nacionalnih manjina BiH koji su prisustvovali sastanku, Mujo Fafulić, Franjo Rover i Violeta Džolan, članovima Vijeća prenijeli sadržaj, odnosno teme sastanka, kao i iznimno pozitivne utiske sa sastanka s ministrom za ljudska prava i izbjeglice BiH Sevlidom Hurtićem, održanog 22. marta 2023. godine, uslijedila je rasprava. U raspravi su učestvovali Velibor Kuvač, Franjo Rover i Mujo Fafulić, te su se pitanja/komentari članova odnosili na različite procedure raspisivanja javnih poziva za apliciranje za sredstva granta od različitih ministarstava u Vijeću ministara BiH, te potrebi njihovog usklađivanja.

Nakon rasprave, službena zabilješka je jednoglasno primljena k znanju.

Ad. 4. Upoznavanje s pozivom na radni sastanak o temi: „Jačanje uloge savjetodavnih tijela nacionalnih manjina“ i određivanje predstavnika Vijeća nacionalnih manjina BiH

Članovi Vijeća upoznati su s pozivom na radni sastanak o temi: „Jačanje uloge savjetodavnih tijela nacionalnih manjina“, koji organizira Savez nacionalnih manjina RS, u saradnji s Misijom OSCE-a u BiH i Vijećem nacionalnih manjina Brčko Distrikta BiH, planiran za 6. april 2023. godine u Brčkom. Vijeće je, jednoglasno, odredilo tri predstavnika za sastanak: Violetu Džolan, Danijela Štefeka i Zamiru Sokoli-Begović.

Ad. 5. Tekuća pitanja:

a) Upoznavanje s dopisom Savjetodavnog odbora u vezi s Okvirnom konvencijom za zaštitu nacionalnih manjina i terminom posjete Bosni i Hercegovini

Članovi Vijeća upoznati su s dolaskom članova Savjetodavnog odbora u vezi s Okvirnom konvencijom za zaštitu nacionalnih manjina, te predloženim terminom za sastanak (27. 4. 2023. godine, u vremenu od 13.30 do 14.45).

Konstatirano je da su svi članovi dobrodošli da se pridruže sastanku, a najavu prisustva potvrdili su: Mujo Fafulić, Todorka Jovanović, Violeta Džolan, Ernest Grin i Skender Mustagrudić.

b) Inicijativa za prikupljanje pomoći za nastradale u zemljotresu u Turskoj i Siriji (inicijativa Dejana Piotrovskog)

Dejan Piotrovski upoznao je članove Vijeća da je novac, prikupljen od dobrovoljnih priloga članova Vijeća koji su u toj akciji željeli učestvovati (ukupno 1.200 KM), uplaćen za pomoć nastradalim u zemljotresima u Turskoj i Siriji, te da je potvrda o uplati dostavljena putem e-maila.

c) Dogovor o metodologiji izmjene Poslovnika Vijeća nacionalnih manjina BiH

Na prijedlog Igora Kotjelnikova o potrebi pristupanja realizaciji već prethodno dogovorenoj izmjeni Poslovnika Vijeća nacionalnih manjina BiH, te nakon rasprave koja je uslijedila, a u kojoj su učestvovali: Mujo Fafulić, Franjo Rover, Saša Mićin, Miroslav Bobrek, Dragica Tešić i Velibor Kuvač, članovi Vijeća saglasili su se da do 20. aprila tekuće godine dostave svoje prijedloge izmjena/dopuna Poslovnika, te da se pripremljeni materijal razmatra na narednoj sjednici Vijeća, planiranoj za 27. april.

Sjednica je završena u 19 sati.

Sekretarka

Zajedničke komisije za ljudska prava

Aida Kreho



Predsjedavajući

Vijeća nacionalnih manjina BiH

Mujo Fafulić

